

河南開封縣志

舊名祥符縣

蔚符縣志卷之十六

人物志

正學

明

劉昂字孟頰祥符人天性狷介與衆寡諧家固貧至
昂益甚閉戶讀書處之怡如也成化間都御史江
浦張瑄巡撫河南聞其名聘爲子師昂曰禮聞來
學不聞往教辭不就提學天台陳選聞而重之乃
餽魯齋遺書爲力行之助復命生徒有器資者從
之游昂以身爲教講究義理務使學者體而行之

經指授者多爲名士年四十貢禮部授內邱縣學
訓導罹內艱改授棗強縣啓廸勤勵教人不倦太
守知其賢委攝邑符政令清簡百姓安之秩滿考
績京師上崇令安民崇儒重道二疏爲當道所沮
歸旅舍歌曰職冷官微言語輕不如歸去結鷗盟
林間睡起三竿日且與兒孫樂太平致仕歸築室
于大寧坊扁曰書香窩賓客非其人不見命子耕
讀暇則往視之習靜簡出歲惟二赴鄉飲而已所
著有四書粹議詩經直解蘭谷詩文抄椿庭遺思
錄書香窩裏吟若干卷

見府志

李承恩字君賜一字伯生祥符人父母早喪祖父母鞠育之幼不爲童戲八歲就塾師端愼如老成人弱冠入邑庠爲弟子員督學者優之俾聚講大梁書院正德十四年領鄉薦明年試禮部不第乃罄囊買理學諸書以歸閉門潛玩時有新得見之著述辨析精當多儒先所未發謂聖人之微言莫大於經而穿鑿好異者失之於是著易大義詩大義書拾蔡學庸拾朱孟子說若干卷謂宋儒之言莫精於西銘定性書太極圖說顏子所好何學論於是各爲之解以發其蘊謂理不離陰陽不雜陰陽

其不離中以不雜爲體不雜中以不離爲用於是
著陰陽論百五十八條謂動靜者吾心也動靜之
間吾心之至妙存焉動中有靜者德德者得也恐
失之而復得也靜中有動者幾幾者微也雖至著
而實至微也於是畫心印圖謂大學格致之旨不
明於天下徒使學者馳騁恍惚而不知求之於近
於是著格物致知說謂往來順逆易之大旨原卦
畫之初自乾至坤皆逆數也然乾兌離震繼之善
也巽坎艮坤成之性也往者已然也數有次第之
意第其已往不亦順乎來者將然也知有主宰之

意宰其將來不亦逆乎下學之功知來逆也上達之妙數往順也數往者順後天而奉天時吉凶在天而不在我故曰鞠躬盡瘁死而後已成敗利鈍非吾所能逆覩也知來者逆先天而天弗違吉凶由我而不在天故曰思慮未起鬼神莫知不由乎我更由乎誰然必有知來之逆而後有數往之順故曰天且弗違而況於人乎況於鬼神乎於是著數往者順知來者逆說承恩平生著述甚富有河濱日錄劄記存稿總若干卷方類編成集而承恩卒年四十九朱睦禪論曰余少時數會李君計論

經義辨析物理累日夜不已間有合李君謂余曰
此道荆榛久矣吾與子其勉之意蓋傷知者希也
昔太元法言楊子沒百餘年而後顯李君所著三
經大義咸精詣可傳他日有宏覽博聞如桓譚者
則李君爲不朽矣

見通志並中
州人物考

王正志字淑明黃縣令中達子舉萬厯戊戌進士授
陝西富平縣知縣爲治明肅邑中權貴及大猾皆
心惴不敢犯會礦稅役興中使乘傳四出梁永殘
暴尤甚富平部中亡賴子弟及富民怨家多附永
煽嚇富民奪財產榜笞熱刺發屋椎埋百姓不能

保斯夕正志捕部民從永爲奸者收治之姦民亦
陰持縣事以求中永怒正志乃具疏列永貪虐狀
永亦誣奏正志阻撓礦稅逮械至京榜之數十繫
北寺獄正志讀書不輟著有定性諸書繫三年卒
正志性孤介家世清貧爲孝廉時郡中有豪家坐
法郡守劉某欲寬之令持貲謁正志卒不受人有
過面折亡所容讀書至忠臣烈士卽泣下私心向
之其志操堅定皆由學問中出所謂貧賤不移威
武不屈之大丈夫也歟

見通志

張壯行字心孟祥符人幼有志操學問淵瞻以儒士

登天啟甲子舉人未除官適闖賊李自成攻汴壯
行爲所掠賊奇其狀貌授僞劄壯行拒賊甚厲賊
猶未忍殺凡數日不食會賊移營得乘間逃賊覺
追之至黃河岸壯行躍入河罵賊賊射之壯行沒
於水竟泗水而渡衣履悉不具伏林莽間得不死
後亦不赴春官溷跡齊民力自操作家貧不能舉
火吹簫放歌晏如也纂修邑乘詳核有史載其學
以程朱爲宗所授高第弟子甚衆年八十餘卒崇
祀鄉賢人稱曰疊山先生

見通志

王璵祥符人父基新黃流灌城負父母出逃及父母
沒哀毀踰禮另有傳璵性純孝年八歲侍祖疾母
氏刲股療翁璵十指忽痛趨問知故卒飲泣不言
以成母孝康熙甲子舉於鄉乙丑成進士部檄促
除官以親老不忍行父母督之不已乃入都一夕
忽感噩夢如見母氏刲股時狀急馳歸母疾已劇
得視含殮人以爲誠孝所感服闋授新貴令曾裁
缺卽歸養絕意仕進生平學宗程朱淹貫經史尤
邃于易卒祀鄉賢祠子符震與父同舉於鄉官中
翰歷任粵西雒容崇善知縣地雜猺蠻號難治符

震擘畫協宜書上考擢倅雲南民爲立生祠再任江南金壇甘泉兩邑游刃煩劇政清盜除人謂能

世其家學

見府志並通志

張星字子朗號覺菴祥符歲貢生儀封張清恪堂弟年十五通經學與清恪同齋有志聖賢互相砥礪性孝友父病嘗糞甘苦求以身代居喪哀毀骨立廬墓三年侍母疾亦然兄疾禱神願減算益壽兄卒蔬食期年閉戶垂泣淚痕常漬枕畔次兄貿易他省負累二千金破產償之其事師永守心喪遇忌日設位書齋以祭爲文羽翼經傳手鈔先儒語

錄及濂洛性理諸目精粹語以自警中牟冉永光

儀封周伯章杞縣侯敬章往來辨論闡發精奧從

游日衆皆教以躬行爲務不尙文藝子弟甫能言

卽口授孝經小學等書提學王國棟造廬請業歎

爲醅儒性好施予族人貧乏遇婚喪者竭力助之

從師者出脩脯給之倡立義倉積穀數千石以濟

貧苦歲歉全活甚衆其他修文廟建家祠拾遺金

恤寒士隱德不可殫述乾隆十年祀鄉賢祠

據續河南

通志弘氏家乘新纂

倭仁號長峯姓烏齊格里氏河南駐防人道光九年

進士改翰林院庶吉士授編修歷右春坊右中允
翰林院侍講充日講起居注官轉侍讀升右春
坊右庶子轉左庶子升翰林院侍講學士署文
淵閣直閣事乙未充順天鄉試同考官丙申充會
試同考官丁酉充福建鄉試正考官戊戌充文
淵閣直閣事旋擢詹事府詹事升大理寺卿三十
年二月上應詔陳言疏

上稱其辨君子小人之分言甚切直諭嗣後大小臣工
有所見聞剴切直陳以倭仁爲法咸豐二年上敬
東治本一摺六年擢盛京禮部侍郎調戶部侍

卽十年署盛京副都統補鑲白旗蒙古都統尋
升都察院左都御史同治元年擢工部尙書賜
紫禁城騎馬奉

兩宮

皇太后懿旨前因皇帝沖齡亟宜典學茲復特簡工部尙
書倭仁老成端謹學問優長堪膺師傅之任著授
皇帝讀尋充翰林院掌院學士倭仁將前所輯古
帝王事蹟及古今臣工奏議有裨治道者重加精
擇附以按辭爲兩帙進呈得旨賜名啟心金鑑
並陳設弘德殿以資講肄三月充會試正考官七

月以工部尙書協辦大學士旋授 文淵閣大學

士充 經筵講官二年七月大軍克復金陵

上以倭仁在

弘德殿授讀加一級紀錄二次六年同文

館招考天文算學由滿漢正途出身之五品以下
京外各官考試錄取延聘西人在館教習倭仁奏
言立國之道尙禮義不尙權謀根本之圖在人心
不在技藝今求諸一藝之末復舉聰明雋秀 國
家所培養而儲以有用者使之奉西人爲師恐所
習未必能精而讀書人已爲其所惑伏望 宸
衷獨斷立罷前議以維大局而彌隱患

上以倭仁奏天文算學博采旁求必有精其術者 命酌
保數員另行擇地設館由倭仁督飭講求尋奏意
中並無其人不敢妄保旋 命在總理各國事務
衙門行走倭仁懇請收回成命

上不允尋上疏固辭因病請假一月復請開缺調理得

旨再賞假一月六月復請開缺 諭曰倭仁不必

給假一俟氣體可支卽以大學士在弘德殿行走
其餘一切差使均著無庸管理尋充 文淵閣領

閣事 國史館總裁八年三月奏 大婚典禮宜

崇儉以光

聖德疏六月 武英殿不戒於火倭仁偕翰林院侍讀學

士徐桐國子監祭酒翁同龢奏請勤修

聖德以弭災變奏入

上嘉納之九年八月充順天府鄉試正考官九月管理國
子監事務十年三月授 文華殿大學士四月以
病久未愈奏請開缺得 旨賞假兩箇月並賞給
藁枝以資調理尋卒

諭曰大學士倭仁學 術純正志慮忠誠受 先朝知遇之
隆由翰林院沅擢卿貳

恩命直上書房旋授盛京侍郎均能恪恭盡職朕御極